

# Q U Æ S T I O M E D I C A

## CARDINALITIIS DISPUTATIONIBUS MANE DISCUTIENDA IN SCHOLIS MEDICORUM. DIE JOVIS V. MARTII.

M. GUIDONE PATIN Doctore Medico, &amp; Professore Regio, Præfide.

*Estne Theriaca pestilenti febre jactatis venenum?*

**E**XQUISITA febris pestilens, à peste quæ latius patet, nec unius est morbi nomen, diversa, omnium est febrium infestissima, ferè contagiosa, & primâ incurfione furens: ab ea nihil induciarum, fraudis verò plurimum: plerumque enim dum clementiæ simulatione blanditur, repente ægros in ipsis quas struit insidiis jugulat: sapius ferocitate exultans, rapit, sternit, latèque vastat omnia. Nonnumquam tamen, sed rariùs, posito furore ad salutem convertitur: Tamet si nec spiritibus, nec humoribus, nec Cordi ipsi parcat, diaria, aut hectica nulla est. Frequentèr facili, sed terro spiritu, urinisque, substantiâ, colore, ac sedimento valentium similibus, interdum & miti calore rudioribus imponit, pulsû, (qui suis ictibus vitæ gubernacula temperat) languido, incertôque minus: minus & ipsis in quibus totus homo est oculis, aut micantibus, aut torvis, & cum reliquo vulu squalentibus. His si adsint fetidus sudor, iniques vigilia, vomitus, syncope, quique artus alliget languor, vel si absint bubones, & carbunculi, testes locupletes ac optimi, non adumbratam, sed expressam diræ febris effigiem informabis.

**A**D istam luem excitandam externæ internæque causæ conspirent necesse est: quæ foris illabuntur, neque nocente cælo devocandæ, neque à truci Martis spiritu, neque ab arcano influxu, neque ab ignitis cometis, ne quidem id mali portendentibus, neque à sparso veneno, neque ab irato Numine deducendæ; sed à fecundissima illa morborum procreatrice, æris iniquioris putredine excellenti atque eximiâ. Is sive sit perversâ spirantium ventorum, vel forte unius plumbei austri aurâ inquinatus, sive diurno hyemis tepore, assiduisque imbris perniciosè depravatus sit, sive à sentinis, cœnosis specubus, disiectivè passim cadaveribus labem acceperit, simulatque per confpicuas, & quæ sensum fugiunt vias, insert se in viventium corpora, facili quidquid contraxit vitij comportat, quocumque penetrat; nec tamen omnes quibus triste virus afflat, febre mulctat acerbissimâ: sed eos dumtaxat, qui jam aliquam ægrotandi causam suo sinu gerebant; ut nec ab his inficiuntur quicumque exhalatam per corporis labefactâ spiramenta terram mephitim contagione hauserunt: perinde nimirum ut cuiusque corpus affectum est, ita aut domitum virus exiit, aut ab eo contaminatum ægrotat, varique existunt casus, mores, & eventus morbi.

**A**NTI mali vis quæ nec in animalia omnia, nec in omnes homines promiscuè sævit, eos potissimum adortur, quibus ex pravo, uberiori, vel malè confecto alimento reses impuritas plurimâ clam cum ipsis visceribus æstuat, & quibus tenuiora excrementa tentato per cæcos ductus exitu prohibita, atque in serum acre demutata, toto corpore luxuriantem polluant sanguinem, qui obscurioris putredinis labe aspersus, ut primum incanduit, flammamque in vitæ arcem jactavit, illâ statim correptum corpus universum impuris facibus ardet, miserèque consumitur. Summæ istius putredinis intimæ, quæ nihil aliud est, quàm succorum à proprio temperamento recessus, prope quantus rerum ad ruinam festinantium, tanta est perniciēs; ut aliquando citra ullam conspurcatâ æris aspirationem, pestilens nascatur febris, pro vario ad quem ascendit gradu, aliarum putridarum more durior, aut mitior. Propterea ad eam proclives sunt qui peregrino humore scatent, magisque ubi calorem conduplicat æstus: & priores sunt juvenes, senibus, sanguinei, melancholicis; intemperantes, siccis.

**Q**UASI parum sit adversus febre frages edentem, nec secus ac emissus à cavea Leo, ferè quotquot arripuit trucidantem ferrum distringere, venarumque tabum quo pascitur, manu liberali profundere, reliquam quâ gaudet illuvium omni arte subducere, ejusque flammam magnâ aquæ vi comprimere, posterior ætas quò ingeniosius mederi videretur, nobilitis operosiusve caderent aut servarentur ægroti, adhibuit etiam aurum, uniones, sapphiros, smaragdos, aliosque lapides pretiosos, at ne ex eorum usu esset in tumore animus, admovit & animalium saniem, vomicas, calculos, cornua, strigmenta, maris ejectamenta, ipsam quam calcamus terram, quasque hac suo sinu cælabar pestes: quin progressa longius fero morbo, feras venenatasque animantes opposuit; ipsaque adeo venena, etiam ex collo, velut ad ostentationem pendencia. Tot inter merces, ex hisque luxuriosè constatas splendidi nominis confectioes innumeras, quibus mortis appropinquatione trepidis, suâque omnia ut vivant, datis ægris illudunt vafri, sibi meritis imperiti, sedet quasi princeps & Regina Theriaca, eorum ex quibus coaliuit numero, pompâ, atque apparatu percelebris, callidæque Galeni commendatione, falsâ licet, non medicrem in auctoritatem adducta.

**Q**UI pestilenti febre exagitatis Theriacam objicit, na ille ignorat sancitam à Medicorum Phœbo, senatûque universo legem, vel belluis descriptam, quæ morbum quemque jubet oppugnare præsidii, omni qualitate ipsi adversâ ornatis. Furor est plusquam sexaginta calidis, siccis, acribus, rostrisque seu stirpibus, seu petis undeliber rebus aliis, quasi totidem torribus, ægrum inter medios ignes versantem adurere, febreque ipsam, ut furenter efferatur, instigare. Nec cuiquam melioris doctrinæ fontibus rigato veniet in mentem Theriacam ex alienissimorum, & pro cuiusque libidine mutatorum, adjectorumque medicamentorum confusione compactam singulari privilegio Cordi robur conferre. Certè nisi ad clarissimam veritatis lucem malitiosè convinnemus, ea sola robur addunt, quæ in sanguinem, partiumque substantiam abeunt, inter quæ citissimè juscula, vinum. Contende si voles iis etiam quæ morbum excindunt, firmari vires; quòd eò hæ resurgant promptius, quò ille premit minus. Contende & agrestâ, oxytriphyllo, oxalide, berberis, oxyacanthæ, arantiorum, granatorum, limonumve succis, qui & putredinis lui adversantur, & febris ardore flagrantibus subveniunt, maceratum Cor recreari velutque resciri, ultro assentiemur: at febris æstuantis æstum aucturâ Theriacâ vexabit nemo, nisi quem summa vexet rerum inciticia.

*Est ergo Theriaca pestilenti febre jactatis venenum.*

Proponebat Lutetiæ JOANNES CORDELLE, Hamus, A.R.S.H. 1671.